



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Komunikadu Imprensa

14 Setembru 2012

Kazu maus-tratus hasoru kónjuje kontinua kondena ho pena suspensaun

Iha 13 September 2012, Tribunál Distritál Suai halo julgamentu ba kazu maus tratus kónjuje ne'ebé rejista Númeru Prosesu: 71/PEN/2012/TDS. Arguidu ba kazu ne'e ho inisiál GU hasoru vítima MM, ne'ebé akontese iha Aldeia Tafara, Suco Cassabauk, Sub-distritu Tilomaar, Distritu Covalima.

Juízes ne'ebé dirije kazu ne'e kompostu husi juízes kolektivu, Dra. Florencia Freitas, Dr. Costâncio Barros Basmery no Dr. Álvaro Maria Freitas. Iha parte seluk, Ministériu Públiku representa husi Dr. Oscar Silva Tavares no arguidu hetan defeza husi Dr. Marçal Mascarenhas husi Eskritóriu Defensória Públiku.

Maus tratus ba kónjuje nu'udar krime ne'ebé sérius iha kontestu enkuadramentu juridiku Timor Leste, tanbá ne'e husu ba tribunál atu atribui pena prizaun atu refelta ho nivél gravidade krime ne'ebé arguidu komete, dehan Luís de Oliveira Sampaio, Diretór Ezekutivu JSMP.

Ministériu Públiku akuza arguidu ho artigu 145 no 154 Kódigu Penál tanbá iha akuzasaun refere mensiona katak iha 23 Jullu 2012 arguidu tébe no tuku dala barak iha vítima nia isin loloon to'o monu ba rai. Arguidu mos lori ai pedasuk baku tan vítima.

Tanbá aktu ne'e vítima nia isin sai bubu no hetan kanek iha kotuk laran, kelen, liman no matan fukun parte karuk.

Iha julgamentu refere arguidu hili direítu nonook ne'ebé bázeia ba artigu 60 alinea (c) Kódigu Prosesu Penál. Mesmu nune'é, vítima deklara ba kontinua reforsa faktu ne'ebé hakerek iha akuzasaun laran, nomós reforsa liu tan husi testemuña ho inisiál JL ne'ebé haree ho matan bainhira arguidu baku vítima to'o monu ba rai.

Depoisde avalia faktus sira ne'ebé Ministériu Públiku apresenta no depoimentu husi vítima nian, tribunál altera tiha artigu 145 K'odigu Penál no avansa deit hotu artigu 154 Kódigu Penál kona-ba maus-tratus hasoru nia kónjuje.

Mesmu nune' é JSMP observa katak iha alegasauun finál Ministériu Públiku husu ba tribunál atu kondena arguidu ho pena suspensaun tinan 3.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Landline: 3323883